



দেশি নির্বাচন পর্যবেক্ষকদের আবেদন জমার সময় বাড়াল: ইসি



সংগৃহীত ছবি

ত্রয়োদশ জাতীয় সংসদ নির্বাচনকে সামনে রেখে দেশীয় নির্বাচন পর্যবেক্ষক সংস্থাগুলোর জন্য আবেদন জমার সময়সীমা বাড়িয়েছে নির্বাচন কমিশন (ইসি)। কমিশনের সিদ্ধান্ত অনুযায়ী, এখন থেকে আগামী ২৯ ডিসেম্বর পর্যন্ত আগ্রহী সংস্থাগুলো আবেদন করতে পারবে।

নির্বাচন কমিশনের পক্ষ থেকে জানানো হয়েছে, আগামী ১২ ফেব্রুয়ারি জাতীয় সংসদ নির্বাচন ও গণভোট অনুষ্ঠিত হওয়ার কথা রয়েছে। নির্বাচন প্রক্রিয়ার স্বচ্ছতা ও গ্রহণযোগ্যতা নিশ্চিত করতে কেন্দ্রীয় ও স্থানীয় পর্যায়ে পর্যবেক্ষক মোতায়েনের উদ্যোগ নেওয়া হয়েছে। এ লক্ষ্যে আগে নির্ধারিত সময়ের মধ্যে আবেদন করতে না পারা সংস্থাগুলোর কথা বিবেচনায় নিয়ে সময় বাড়ানোর সিদ্ধান্ত নেওয়া হয়।

ইসি আরও জানিয়েছে, যাচাই-বাছাই শেষে অনুমোদনপ্রাপ্ত পর্যবেক্ষকদের জন্য প্রয়োজনীয় পরিচয়পত্র এবং যানবাহনের স্টিকার নির্বাচন কমিশন সচিবালয় থেকে সরবরাহ করা হবে, যা নির্বাচনী কার্যক্রম পর্যবেক্ষণে ব্যবহৃত হবে।